

2 TIMOTI

Khe Por Phenatitigap Timoti Ndi Khergi Gap

Khe fharav ganinga buni khare.

Timoti Por phorgap, mani mba njaara bavira mbui guma ma. Maan muungiap, Por ana muunga tivir vhuuin ana khivav, kha gava khergiap, Timoti ndi mbai, ana mba tivi zin ngirga. Timoti, ana Zisas kothigi ndikndik kuemkuegirga fhuvara. Ana vhira Zisas Kraisa buna vhuuej bun nzuai tiva thamtharga fhu. Ana guigi guarara, Fhe Bakime buni vhuuij, ana nta zin ngirga. Mba gumgi zaagi gum simtigir ana ndiii, ana khan tigip havhargip, Fhe Bakime ana niingijjaar, ana anan muunga.

Timoti vhira, ana khuarar mba fhura tamtam buni nzuav, pham buni nzuai ndikndigi vhuuij ki fhuv gumgi, ana khuarar mbe bunin rigi thari. Mba buni mbararagi gumgi, mba khesharigi buni mben kiri tivir farfagi. Timoti, Por mbui tivi, ana nta ndikndigip, nta zin ngiri. Mba tivi khare, guigira khan tigap havhargiap, Zisas kothigi tiv, ndava miitiga ndigap ki tiv, guigira harigi ntiiri vuzvugap, mbarkirga simtigi ndi. Timoti mba tivi zin ngiri.

Timoti khan tigip havhargip, ngarip, Fhe Bakime, njaara guma guar kiri.

¹ Gu Por, Krais Zisas farasarigi njaara guma ma. Fhe Bakime, ana wo vuzvugara na farasarigim, gu anan njaara guma kav, gu guigira Zisas Krais kothigi gumgi gu mbigi, ana mben niin zav suangi kiri tivi, gu nta bun mbe nzuai.

² Timoti, ndu nan kam fara muungim, gu guigira wo ndavar ndu niingij. Gu kha gava khergiap, ndu ndi

mbai. Nza Ndia Fhe Bakime gum nza Bakime Zisas Kraiss, mani guigira wani won ndavanin ndun niinjv, ndun korar muunjv, ndava miitigar ndun niinrim, ndu kiri.

Nza Fhe Bakimen buna vhuuen mberirga fhu.

³ Nan nzigi, mbe wari wo ndavi vheri kanjiap, mbe guigira Fhe Bakime niman ngarav, mbe tivar vhuunra zin vov, Fhe Bakimen nraara muunji. Gu ntigem mba khesharigi tivara zin vov Fhe Bakimen nraara mbui. Gu vhira won ndav vhee kanji. Gu bigin mbatik thuej muunjiap ne nzuav ana niman simtik ki fhuvara. Gu raa gu maan ana phorga nzuav, gu ndu ndikndigap Fhe Bakime phorga nzuav anan ndikndigi. ⁴ Gu ndu thee ri ne ndikndigap, gu guigira taagip ndu gangiranej vuzvugi. Gu ndu gangip, gu guigira ndikndigirga. ⁵⁻⁶ Gu guigira khuej kanji, ndun nzik Rois gum ndu niamuunji Unis, mani fhum guigira Kraiss kothigi tivara muunjiap, ndu Kraiss kothigi. Ndu kharj tigap havhargiap guigira Zisas kothigi tiv, gu ana ndikndigap, gu ndu ndikndiga khavi. Ndu mba Fhe Bakime won nraara muun zav fhura ndu niinji bigin, ana kharj tigip havhargip ndun kiri. Mba bigin, ana kharj muunjiap ndun kiri, guma vhav shiav kim, ana wom ana beregi, ana fogap kivgi fara muunji. Gu mba farver ndu khingim, Fhe Bakime fhura ndu niinji njkasjka, gu ana nzuai. ⁷ Ndu kanji, Fhe Bakime won njinan nza niinji, ana ririvar nza ndiii njina fhuvara. Ana njkasjkar nza ndiii njina ma. Ana nza mbuim, nza guigira wari won ndavir harigi ntiri ga ndiiv, ana vhira nzan kurkurigim, nza tuitugia piigiap, ana ndikndigi vhuunra zin njip, tivir vhuunra muunga.

1:3 FG 22.3; 23.1; Ro 1.8-9; Fi 3.5; 1 Te 1.2; 3.10 1:5-6 FG 16.1; 1 T 1.5; 4.6
1:5-6 1 Te 5.19; 1 T 4.14 1:7 Ru 24.49; FG 1.8; Ro 8.15

⁸ Maanj muunjiap, ndu nza wo Bakime buna vhuuej bun suangen mberi thari. Ndu vhira nan mberi thari, gu ana khuav binan ki guma ma. Ndu Fhe Bakime han njkasjka ndigip, na phorgip Fhe Bakime buna vhuuej bun nzuai nen simtiga ndiri. ⁹ Fhe Bakime taagia nza ndigap, nzan kamgim, nza anan gumgi gu mbigi kirga. Ana nza mbui tivir vhuuij ndirigap, nzan kamgi fhuvara. Zakira fhuvara! Ana fhum guarara, Fhe Bakime zungum kha nuian gu bigi ga muunji, ana fhum guarara ana wo vuzvugira, ana nza kora muunjiap, nzan kamgi. Ana Krai Zيسان farve panan, ana nza kora muunjim, nza anan gumgi gu mbigi ki. ¹⁰ Ntigem, kha tugen Krai Zisas, ana taagia nza ndi guma ma. Anan kora muumbar ntigem kirar higi. Krai Zisas rimgiap, za vhizi njkasjka, ana ana vhezgiap, ana won buna vhuuen panan, ana mba gumgi gu mbigi ga muunjim, mbe zazera mbara muunjiap ki biijbiij, mbe ana kanji.

¹¹ Ana mba buna vhuuej bun suangen na vuzvugi. Ana maanj muunjiap nan farasarigim, gu Fhe Bakimen buna vhuuej bun nzuav, gu ana farasarigi njara guma kav, gu Fhe Bakime vuzvugi tivir gumgi gu mbigi khivav, mbe nzuai. ¹² Maanj muunjiap, gu mba simtigi ndi. Gu nen mberi fhu. Zakira fhuvara! Gu mba kothigi guma, gu ana kanji. Gu vhira khuej kanji, ana nan farve khangi buna vhuuej, ana tuituigip ne ganinga, mba buna vhuuej nzerara kiv ngip, Krai taagia zirga tuga bakimen higirga.

¹³ Gu khar ndu nzuai buni guari, ndu tuituigip nta ndikndik suirari. Ndu nta suirav, ndu gu gumgi gu mbigi khivav, mbe nzuai tiva zin ngip, mbe suanjri. Maanj

1:8 Ro 1.16; Fi 1.7; Kor 1.24; 1 T 2.6 1:9 Ro 8.28; Ef 1.4; 2.8-9; 1 Te 4.7; Ta 3.5; Hi 3.1; 1 Pi 1.20 1:10 1 Ko 15.54-57; Kor 1.26; Hi 2.14; 1 Pi 1.20 1:11 1 T 2.7 1:12 Ef 3.1-2; 1 T 6.20; 2 T 4.8; 1 Pi 4.19 1:13 1 T 1.10; 4.6; 6.3; 2 T 2.2; 3.14; Ta 1.9; 2.1; Hi 10.23

muungiap, ndu khaŋ tigip havhargip, nza guigira Krais Zisas khotigap, guigira wari won ndavir harigi gumgi ga ndiii, gumgi gu mbigi mbui tivara suira havhargip, nza guigira Kraisan gumgi gu mbigi kiv, nza khaŋ tigip mba tiva phuni suirav havhargiri. ¹⁴ Fhe Bakime ndu farve khangi buna vhuueŋ, ndu tuituigip ne ganiri, ne guigira bigina vhuuŋ guareŋra, ndu tuituigip ne ganiri. Fhe Bakimen ŋina ŋaar nzan vhen ki, ana ndun kurkurarim, ndu tuituigira mba buna vhuueŋ ganiri.

¹⁵ Ndu kaŋgi, Esia ŋgu bakime fhain ki gumgi, mbe za na thagim, Figerus gum Hermogenes, mani vhira na thagi. ¹⁶ Gu Guma Bakime phorga nzuai, ana Onesiforus gum, ana muuŋ gu tari, ana phenan ki ntiiri, ana mbe korar muunga. Tugi vhirver Onesiforus na mbuim, nan ndava vhee nzerara ki. Ana gu phena tivanen ki, nen nan mbergi fhu. Zakira fhuvara! ¹⁷ Ana Roman zigap, ana khaŋ tigap na nzuav gari. Ana na nzuav garav kav, ana zumgum na gangi. ¹⁸ Gu ana korar muun zav, ana nzuav Guma Bakime phorga nzuai. Ana Fhe Bakime za kha nuianan ki gumgi gu mbigi muuŋgi tivi mbatigi ga suaŋv mbe suanga tuga bakimen, ana anan korar muunga. Ndu tuituigiap khueŋ kaŋgi, Onesiforus, ana Efesus ŋgu bakimen, ana vhira ŋaari vhirver nan kurigi.

2

Timoti Krais Zيسان ntari ga mbui guman vhuuŋ kiri.

¹ Ndu nan kam Timoti, nza Zisas suaŋgi tivi zin vov, ndu maan muungiap Fhe Bakime guigira wo ndavar nza ndiii tivar panan havhargiri. ² Ndu za na mbararagim, gu gumgi vhirve niman mba suaŋgi buni, ndu mba bunin Fhe

Bakime buni vhuuñ suira havhargi gumgi ga suarjrim, mbe vhira mba bunin harigi gumgi khiviv, mbe suarjri.

³ Ndu Zisas Kraisan ntara guman vhuuñ kiri, ndu nza harigi gumgi mba ñaarar simtiga ndi, ndu nza phorgip, mba ñaarar simtiga ndiri. ⁴ Ndu ntari gumgi mbui tiv, ndu ana kañgi. Mbe ntari ga mbui gumgi kav, mbe shoga ruav, mbe harigi ñaari phorga mbui fhu. Zakira fhuvara! Mbe ntari gumgi kav, mbe nzerara ntari ga mbua rui, mbe maañ muunga, mbe gari guman pan mbe vuzvugirga. ⁵ Guma harigi guma the kambara sañv khuafurga, ana mba harigi guma khuashirarga tivi, ana nta zin vui. Ana maañ muungirga fhu, ana mba guma khuafuav harigi guma khuashirav ndi bigin, ana ana ndigirga fhu. ⁶ Guma ana ñaara mbatiga mbuav mina bakimen pargiap, ana gangana vhuun ana muungi, mba guma, ana fharav mba minan mba ndigirga. ⁷ Ndu gu kha suangi bunej, ndu ne ndikndigirim, Guma Bakime, ndu ndikndigar muuñrim, ndu mba bunej kañgip, ndu mba buni niñge kañgirga.

⁸ Ndu zazera Zisas Krai ga ndikndigiri, ana rimgiap taagia khavgi. Ana ñgui vhirve gari guman pana Devitan nziga mbe ma. Gu nzuai buna vhuuej, ne bun nzuai. ⁹ Gu mba buna vhuuej bun nzuai, mba buna niñeñra, kha gumgi na garim, gu guma mbatik ma. Mbe maañ muuñgiap mbarkirga simtigir na ndiiv, na ndiv phena tivaney khingi. Mbe maañ na mbuim, Fhe Bakime buna vhuuej ne binan kegirga tuktiigi fhuvara. ¹⁰ Maañ muuñgiap, gu won ndava havhargiap, gu zam mba simtigi ndi. Gu mba Fhe Bakime won mbuigi gumgi gu mbigi, gu mben kurkurarga. Gu vuzvugi, mbe vhira Krai Zisas taagiap mbe ndigirim,

2:3 1 T 1.18; 2 T 1.8; 4.5 2:4 1 Ko 9.25 2:5 1 Ko 9.25-26; 2 T 4.8 2:6
1 Ko 9.7; 9.10 2:8 Ro 1.3; 2.16; 1 Ko 15.1; 15.4; 15.20 2:9 FG 9.16; 28.31;
Ef 3.1; 3.13; Fi 1.7; 1.12-14; Kor 4.3; 4.18 2:10 2 Ko 1.6; Ef 3.13; Kor 1.24

mbe ana han zazera mbara muungiap ki biñbiñ ndigip, mbe guigira nzerara ana phorgip zazera mbara muungip kirga.

¹¹ Kha kameñ ne guigi guarara,

“Nza mañ muungip guigira ana phorgip rimgirga, nza vhira ana phorgip zazera mbara muungiap ki biñbiñ ndigip, ana phorgip kirga.

¹² Nza mañ muungip thigi havhargip, nzan hi simtigi, nza za nta ndirga, nza vhira ana phorgip, ñgui vhirve gari gumgir pani kirga.

Nza kir ana segip, ana zi ndiv zaahegirga, ana vhira kir nza segip, nza ndi zaahegirga.

¹³ Nza mañ muungip, ana zin ñgir sanj suangip, nza mba kameñ zin ñgip, ana zin ñgirga fhu, ana wo suangi kameñ, ana nera zin ñgirga.

Ana wo suangi kameñ, ana nduara ne dorgirga tuktigi fhuvara.

Zakira fhuvara!”

Timoti khay tigip havhargip ñgariv, guigira Fhe Bakimen ñaara guma guar kiri.

¹⁴ Ndu zazera mba gumgi gu mbigir kurkurarim, mbe kha kameñ ndikndigiri. Ndu Fhe Bakime niman, ndu kama havharar mbe suanri, mbe mba bigi khini gum bigi bisarire ga suanj wari kaadogip, wari daañ thari. Mba khesharigi buni, nta guma then kurarga tuktigi fhuvara. Mba buni mbararagi gumgi, nta guigira mben mpirmpiriga tivir farfagi.

¹⁵ Ndu khay tigi havhargip, ñgariv, guigira ñaara guma kirga, Fhe Bakime ndun ñaara vuzvugirga. Ndu mañ

2:11 Ro 6.5; 6.8; 2 Ko 4.10-11; 1 T 1.15 2:12 Mt 10.33; Ru 12.9; Ro 8.17; 1 Pi 4.13 2:13 Nam 23.19; Ro 3.3-4; Ta 1.2 2:14 1 T 1.4; 5.21; 6.4; Ta 3.9
2:15 1 T 4.6; Ta 2.7-8

muungip, guigira Fhe Bakime buna guaren, ndu tuituigira ne niij shigirga, ndu ana niman mberirga fhu. ¹⁶ Ndu fhura mba tamtam nzuai buni, mba Fhe Bakime ndikndigi zin vui fhuv buni, ndu kir nta segiri. Nta Fhe Bakime ndikndigi zin vui fhuvara. Mba khesharigi buni, nta pim gumgi ndiav kir Fhe Bakime si tuavar vui. ¹⁷ Mba khesharigi buni, nta vhira guman farfagi suman fara muungi, ana shiv ngiv, guigira kivgirga. Mba khesharigi buni nzuai gumani khare, Himeneus gum Firetus. ¹⁸ Mani buna guaren tuav, mani ana thagi. Mani kha muungi ne nzuav, mani kha buni nzuai. Nza guigira Zisas kothigi gumgi gu mbigi, Fhe Bakime taagia nza khavgi. Mani maan nzuaim, mba guigira Zisas kothigi gumgi gu mbigi mbari, mbe Zisas kothigi ndikndik, mani anan farfagi.

¹⁹ Mani maan mbuim, Fhe Bakime ana won siosan muun zav, won kina havharage ndi khangi ninge thigi. Mba kininge thiga havhargiap ki. Ana mba kiningen, ana kha kamej khergi, “Guma Bakime, ana won gumgi gu mbigi, ana mbe kangi.” Ana vhira kha kamej khergi, “Mba za Guma Bakime zi ndigi gumgi, mbe kir tivi mbatigi ga segi.”

²⁰ Phen a baki mben, mbe gor gu sirvar muungi thuuri gu bigi ki. Mbari, mbe khirar muungi, mbari mbe nuianan muungi. Mba thuuri mbari, mbe ntan naari vhuuijan mbui, mbari mbe harigi naarir, nta mbui. ²¹ Maan muungiap, guma ana won ndava vura tivi mbatigi thav, ana Fhe Bakime niman ngarigi. Mba guma, ana mba thuuj mbe fara muungi, mbe anan naara vhuuj guarara muunga. Ana guigira Fhe Bakimen guma guarara kiv, ana wo Guma Bakimen kurkurarga. Ana anan kurav za mbar kirga naarir vhuuin muunga.

2:16 1 T 4.7; 6.20; Ta 1.14 2:17 1 T 1.20 2:19 Nam 16.5; 16.26; Ais 52.11; Nah 1.7; Zo 10.14; 10.27; Ro 8.35; 1 Ko 8.3; 1 Zo 2.19 2:20 Ro 9.21; 1 Ko 3.12; 1 T 3.15 2:21 2 T 3.17; Ta 3.1

²² Maanj muunjiap, ndu mbarkirga vuzvugi mbatigi, nta gumgir nkaa ndavi khavi, ndu kir mba vuzvugi ga segiri. Ndu kir nta segip, ndu Fhe Bakime tiva guara suanjv ngariv, guigira Zisas kothigi tiv, guigira won ndavar harigi ntiiri ga ndiiri tiv, ndava miitiga ndi tivi, ndu mba tivi ndiri. Nde zam mba tivir muunjri. Ndu phorgap nde Fhe Bakime niman guigira ngarav ki gumgi, mbe guigira Zisas kothigap taagip wari ndir zav anan kaai gumgi gu mbigi ma. ²³ Ndu mba ndikndigi vhuuij ki fhuv gumgi, mbe fhura pham tamtam buni nzuai, ndu kir mbe segiri. Ndu kanggi, mba khesharigi buni, nta wari daav, ntari khavi buni ma. ²⁴ Guma Bakimen njaara guma, ana ntarir muunjv, vhegi thari. Ana tivir vhuuin za mba gumgir muunjri. Maanj muunjiap, gumgi ana riinjriinjrim, ana wo ndav shiri mbevav, Fhe Bakime vuzvugi tivir mba gumgi gu mbigi khiviv, mbe suanga tuavir vhuuij ndi ganiri. ²⁵ Ana mbarara mba buni daasui gumgi, ana mbe ndikndigi ndiv thigar maanjv, mbe suanga. Ana maanj muunga, Fhe Bakime maanj muunjiap, mben kurarga, mbe ndavi domdorgip tuituigip buna vhuuej kangirga. ²⁶ Satan won vhia mbe ndigap, wo buni mbararav, wo zin ngir zav, mbe mbui. Mbe maanj muunjiap, buna guarej kangirga, mbe ndikndigi taagip tuituigip bigi kangip, mbe Satan vhia thav kirar hegip, bikbiigirga.

3

*Zisas taagi ziri*rga tuk han mbararga, gumgi tivi mbatigir muunga.

¹ Ndu kharj muunjiap kangiri, Zisas taagi kha nuianan ziriirga tugar, simtigi mbatigi guarira, nta kivgip, kha

2:22 FG 9.14; 1 Ko 1.2; 1 T 1.5; 6.11 2:23 1 T 4.7; 2 T 2.16; Ta 3.9 2:24
1 T 3.2-3; Ta 1.7-9; 3.2 2:25 Ga 6.1; 1 T 2.4; 6.11; Ta 1.1; 1 Pi 3.15 3:1 1
T 4.1; 2 T 4.3; 2 Pi 3.3; 1 Zo 2.18

nuianan hirga. ² Gumgi warira vuzvugip, mbe guigira nkiia suanyv thaginen muunga. Mbe wari wo ziri ndiv vun kuamkuav, fhura ndikndigip, fhura vhegip buni mbatigir harigi gumgi ga suanga. Mbe wari wo ndegi gu ndegmbori nzuai buni, mbe nta daan suv, tivir vhuuin mbe mbui gumgi, mbe mben ndikndigirga fhu. Mbe kir Fhe Bakimen tivi ga segirga. ³ Mbe harigi gumgir kivntogi kirgane kanji fhu, mbe bigin the suanyv vhegirga, mbe mba ntara vhezgirga tuav ki fhu. Mbe fhura shishigip, bunin harigi gumgi ga siv, mbe suanga. Mbe wo mbui tivi, mbe tuituigip nta ganinga fhu. Mbe fhura tamtam gumgi ga vhegip mben farfarga. Mbe tivir vhuuin, mbe panan nta kegirga. ⁴ Mbe tivi mbatigir wari won kivntogira muunga, mbe wari won ndikndigi mbatigira zin ngirga. Mbe kha ndikndigar muunga, mbe nduarira gumgir ruu ma. Mbe guigira kha nuianan mbarkirga tivi, mbe ntan ndikndigirga, mbe nta vuzvugip, mbe Fhe Bakime vuzvugirga fhu. ⁵ Mbe fhura, wari wo fhavi ga shishigip, Fhe Bakimen tivi zin ngirga. Mbe guigira Fhe Bakimen nkasnka mbevav, mbe ana ndirigirga fhu. Ndu mba khesharigi gumgi, ndu mbe thav, samra kiri.

⁶ Mba khesharigi gumgi, mbe ndikndigi vhuuin ki fhuv mbigir phenin ngirga tuavi ndi gari. Mbe vov, mben raan shav, mbe ndikndigi garim, mbe mbe vuzvugi zin vui. Mba mbigi, mbe tivi mbatigi vhirve ga muungiap, mbe mba tivir simtiga ndiav ki. Mbe kim, mben vuzvugi mbatigi mbe khavav, mbe ngim, mbe mbarkirga tivi mbatigi ga mbui. ⁷ Mba mbigi, mbe guigira harigi guma mbe khiviv, mbe suanga buni mbararagen vuzvugi. Mbe Fhe Bakime buna vhuuen, mbe ne kangirga tukitigi fhu-

3:2 Ro 1.29-31; 1 T 1.20; 6.4; 2 Pi 2.3; 2.12 3:3 Ta 2.3; 2 Pi 3.3 3:4 Fi 3.19; 2 Pi 2.13; Zu 1.4; 1.19 3:5 Mt 7.15; 7.21; Ro 2.19-20; 2 Te 3.6; 1 T 5.8; 6.5; Ta 1.16 3:6 Mt 23.14; Ta 1.11

vara. ⁸ Fhum Zanes gum, Zambres, mani panan Moses ga kegi. Mba tivara, tivi mbatigi ga mbui gumgi, mbe panan buna vhuueŋ ga kegi. Mbe ndikndigi za ŋangim, mbe guigira Zisas kothigi tiv za mbatigi. ^a ⁹ Mbe mbui tivi kivgira fhu. Mba gumgi mben tivi ganinga, mbe guigira ŋanŋangi. Mba gumgi fhum Zanes gum Zambres garim, mani ŋanŋangi fara muuŋgi.

Timoti khay tigip havhargip Fhe Bakimen buna vhuueŋ suirari.

¹⁰ Ndu, Timoti, ndu fhum na phorga kegap, gu Fhe Bakime vuzvugi tivir gumgi khivav mbe nzuai tiv, ndu ana kaŋgi. Ndu ana kaŋgiap, ndu vhira gu rui tivi, ndu vhira nta kaŋgiap, ndu nan tivi, ndu guigira za ntan niŋge kaŋgi. Ndu vhira khueŋ kaŋgi, gu guigira khaŋ tigap havhargiap Zisas kothigap, zazera mbarara won ndava havharav, gu ŋgarav, guigira won ndavar guigira nza phorgap Zisas kothigi gumgi gu mbigi ga niŋgiap, havhargia kav, nan hi simtigi, gu nta ndi. ¹¹ Mbe na muuŋgi tivi mbatigi, gu ntan zaagi ndi ndu kaŋgi. Mba gumgi Antiok, gu Aikoniam, Ristran na muuŋgi tivi ndu vhira nta kaŋgi. Ndu mbe kha ŋgui bakivir na muuŋgi tivi mbatigi guarira, ndu nta kaŋgi. Mbe maan na mbuim, Guma Bakime nan kurigim, gu mba simtigir vhen, gu nzerara kegi. ¹² Khueŋ guigi guarara, za Krai Zisas phorgap Fhe Bakimen tivi zin vui gumgi, kha gumgi tivi

^{3:8} Kis 7.11; Ro 1.28; 2 Ko 13.5; 1 T 6.5; 2 T 2.25 ^a ^{3:8} Mbe Zudaiŋ kha neŋgia mbui. Zanes gu Zambres, mani mba ŋgui vhirve gari guman panan bigi heei gumani ma. Mani mba Moses regi tuger mani Idzivan ŋgui vhirve gari guman panan bigi heei gumani ma. Ndu Taagia Ndi o, Kisim Bek 7.22 ganiv, vhira 9.11 ganiri. ^{3:10} Fi 2.22; 1 T 4.6 ^{3:11} Sng 34.19; FG 13.14-52; 14.1-20; 2 Ko 1.10 ^{3:12} Mt 16.24; Zo 15.20; 17.14; FG 14.22; 1 Te 3.3

mbatigir mben muunga. ¹³ Mba gumgi mbatigi gum fhura Fhe Bakimen zin vui nen wari ga shishigi gumgi, mbe kha gumgi gu mbigi guiguigirga. Satan vhira mbe guiguigirga, mben tivi guigira za mbatigirga.

¹⁴ Mbe maanj muunga, ndu mba ndigi kamerj, ndu kharj tigip havhargip ne khotigip, ndu kharj tigip havhargip ne suirari. Nza mba kamen ndu khivav ndu suanji gumgi, ndu nza kanji. ¹⁵ Ndu kanji, ndu taranera kav, ndu Fhe Bakime buni vhuuinj ki gavi, ndu nta kanji. Mba gavi nta ndikndigi vhuuin ndun niinga, ndu Krais Zisas khotigirga, Fhe Bakime taagi ndu ndigirga. ¹⁶ Fhe Bakime bunin vhuuinj, nta za Fhe Bakimen Hina Hjarar hkasjka ntan ki. Mba buni, nta guigira bunin vhuuinj ma. Nta buni guarir nza khivav, mba ndikndigi mbatigi gumgi gu mbigi, nta mbe ndikndigi ndiv thigar mbav, vhira nzan kiri tiv gu bigi ndiv thigar mbav, vhira Fhe Bakime tiva guarar nza khivav, nza nzuai. ¹⁷ Maanj muungiap, mba buni nza Fhe Bakimen gumgi gu mbigi, mba buni nza muungim, nza guigira za mba tivi guari ndirga. Nza nta ndigip, nza za mba hajari vhuuin muungane tuktigir za mbui.

4

Timoti kharj tigip havhargip, Fhe Bakimen buna vhu-uej bun suanjri.

¹ Gu Fhe Bakime gum Krais Zisas, ana zungum za kha vhizgi gumgi gu mbigi, gum kha namki gumgi gu mbigi muunji tivi mbatigi ga suanjv mbe suanga guma, gu mani niman kama havharar kharj ndu nzuai. Krais Zisas, ana za kha gumgi gu mbigi niman kirar higip, ana zazera

3:13 2 Te 2.11; 1 T 4.1; 2 T 2.16 3:14 1 T 1.13; 2.2 3:15 Zo 5.39; 1 Pi 1.20-21 3:16 Ro 15.4; 2 T 2.21; 2 Pi 1.20-21 3:17 1 T 6.11; 2 T 2.21 4:1 FG 10.42; Ro 14.9-10; 1 T 5.21; 6.13

mbara muungip kiv, ŋgui vhirve gari guman pan kirga. ²Maaj muungiap, ndu khaŋ tigip havhargip, anan buna vhuueŋ bun suaŋri. Maaj muungip, gumgi ana buna vhuueŋ mbarararga o, mbe ne mbarara thagi, ndu zazera khaŋ tigip havhargip Kraiŋ buna vhuueŋ bun suaŋri. Ndu kama havharar mbe suaŋv, mbe ndavi goriv, mbe ndavi khavirim, mbe ndavi domdoriv, mben ndikndigi ndi thigar maanrim, mbe Fhe Bakimen tivi zin ŋgirga. Ndu zazera mbarara mbe suaŋv, Fhe Bakime vuzvugi tivir mbe khiviv, mbe suaŋri. ³Ndu mbarara. Zumgum, gumgi buni vhuuiŋ mbarara tharga. Mbe thav, mben khuari harigi khesharigi buni mbarara saŋv zigzigirga. Mbe gumgi vhirvera ndirga, mbe mbe mbararargeŋ vuzvugi buni, mbe ntan mbe khiviv mbe suanga. ⁴Maaj muunga, mbe kir buni guari ga segip, mbe wari wo kharir mba nzigi gu nzari khinin tigirga. ⁵Mbe maaj muunga, ndun ndikndik zazera kaŋgira kiri. Ndu mba simtigi gu zaagi ndirga. Ndu Fhe Bakime buna vhuueŋ bun gumgi gu mbigi ga suaŋri. Ndu kha gumgi gu mbigir kurkurarga ŋaar ki. Ndu Fhe Bakime ŋaara guma ma, ndu guigira za mba ŋaarar muuŋri.

Por riminga tuk han mbai.

⁶Ndu kaŋgi, gu riminga tuk han mbarigi. Gu rimgirga, na vizin, mbe mba Fhe Bakime nzuav ofa mbui wain farar muungip si suarga. Gu ŋgirga tuk han mbarigi. ⁷Gu won kiri tiva nzuav khuafi vhuuŋra muuŋgi. Gu ntigem zav mba khuafi vhezirga thaan higap, gu guigira Fhe Bakime kothigi tiv, gu ana suirav havhargi. ⁸Ntigem, guma

4:2 FG 20.20; 20.31; 1 T 4.13; 5.20; Ta 1.13; 2.15 4:3 1 T 1.10; 4.1; 2 T 1.13; 3.1; 3.6 4:4 1 T 1.4; 4.7; Ta 1.14 4:5 FG 21.8; Ef 4.11; 2 T 1.8; 2.3 4:6 Fi 1.23; 2.17; 2 Pi 1.14 4:7 1 Ko 9.24-25; Fi 3.14; 1 T 6.12; Hi 12.1 4:8 1 Ko 9.24-25; 2 T 1.12; Ze 1.12; 1 Pi 5.4; VB 2.10

bigina ndir zav, ana nzuav khuafuv, mba khuafi kamarav, mba bigina ndi. Mba bigin, Fhe Bakime ana bevahegim, ana nan rarga mbur ki. Mba bigin, ana khar muungi. Guma Bakime, tivir vhuuian mbui guman nan kaminga. Guma Bakime, ana tivar vhuunra zin vuav, kha gumgi gu mbigi muungi tivi ga nzuav mbe nzuai. Ana mba gumgi gu mbigi muungi tivi ga suany mbe suanga tuga bakimen, gu mba khuafi kamarigi ne suany ana mba biginan nan niinga. Ana mba biginan nara niinga fhu. Fhuvara. Ana mba biginan za ana ganirim, ana kirar hir za mbuim, guigira ne vuzvugiap ana rarga ki gumgi, ana za anan mben niinga.

Timoti vhemkora Por han ziri.

⁹ Timoti, ndu khar tigi havhargip, tuav the gangip, vhemkora nan han zigiri. ¹⁰ Ndu mbarara! Demas na thagi. Ana kha nuianan tivi, ana guigira nta vuzvugiap, ana Tesaronaika ngu bakimen vugi. Kresens, ana Garesia ngu bakime fhain vugim, Taitus ana Darmesia ngu bakime fhain vugi. ¹¹ Ruk nduara nan han khar ki. Ndu maan muungip, Makar kuv, nko ziri. Ana nan kurav ngarirga guman vhuun ma. ¹² Gu Tikikus ga sarigim, ana Efesusan vugi.

¹³ Ndu zir sayv, gu ruga hav shari fhava shaara mpeenge gu ninje ndi Troas ngu bakimen Karpus phena tigi, ndu ninje ndigi ziri. Ndu ninje ndiv, ndu vhira mba gavi phorgiv ndigiri. Ndu vhira tuituigip ganiri, ndu muuny kiv, mba dama nderar muungi gavi, ndu nta ndikndik ngarirga.

4:9 2 T 1.4 4:10 2 Ko 8.23; Ga 2.3; Kor 4.14; Fm 1.24; Ta 1.4; 1 Zo 2.15
 4:11 FG 12.12; 12.25; 13.13; 15.37-39; Kor 4.10; 4.14; Fm 1.24 4:12 FG 20.4;
 Ef 6.21-22; Kor 4.7-8 4:13 FG 20.6

¹⁴ Areksander, ana brasan bigi kari guma ma. Ana tiva mbatigar na muunji. Ana zumgum ana mba muunji ne suanjv, Guma Bakime muumbara mbatigar anan muun-girga. ¹⁵ Ndu vhira mba guman riviri. Ana guigira panan nza kha nzuai buna vhuuej, ana guigira panan ne ga kegi.

¹⁶ Gu fhara guarara mbe na nzuav nzuaim, gu thigap nzuaim, guma the na kbothigap, gu nzuai kamej ana nan kurav, ne suanjgi fhuvara. Zakira fhuvara! Mba gumgi za na thagi. Gu Fhe Bakime phorga nzuai, ana mbe muunji bigina mbatigenj, ana ne ndikndigirga fhu. ¹⁷ Guma Bakime, ana nduara nan mpia kegap, ana njkasjkar na niingim, maanj muunjiap, gu za mba harigi fhairj ngui gumgi, gu Fhe Bakime buna vhuuen mbe nzuaim, mbe ne mbararagi. Fhe Bakime nduara raion thiini tin na ndigi. ¹⁸ Mba tivara, mbe nan muunga tivi mbatigi, Guma Bakime na tin nta ndigirga, gu nzerara kirim, ana na ndigip wo gari ngu Hevenan ndarga. Maanj muunjiap nza zazera ana zi ndiv vun kuamkuarga. Ne guigi guarara.

¹⁹ Ndu nan raar vhuuj ndiv Prisira gum Akuiran niijv, vhira nan raar vhuuj ndiv Onesiforus gu muuj gu tari, ana phenan ki ntiiri, ndu anan mben niingiri. ²⁰ Erastus, ana Korin ngu bakimera ki. Trofimus, ana riim, gu ana thav ana ndim, Miretus ngu bakimera tigap zigi. ²¹ Ndu khanj tigip havhargip tuav gangip, vhemkora nan han zigiri. Ndu maanj muunjiap kiv kirim, ruga hi tuk higirga, biijbiij bakivi khavirga.

Uburus gum, Pudens, Rinus, Krodia gum, khanj guigira Zisas kbothigi gumgi gu mbigi, mbe wari won raar vhuun ndu ndii.

4:14 Sng 28.4; 62.12; Snd 24.12; FG 19.33; Ro 2.6; 1 T 1.20; VB 18.6 4:16
 FG 7.60; 2 T 1.15 4:17 Sng 22.21; Dan 6.22; FG 23.11; 27.23; 2 Pi 2.9 4:18
 Sng 121.7; Ro 11.36; Ga 1.5; Hi 13.21 4:19 FG 18.2; 2 T 1.16-17 4:20 FG
 19.22; 20.4; 21.29; Ro 16.23

²² Guma Bakime ndu phorgip kiri. Ana korar muumbar za nde phorgi kiri.

Fhe Bakimen Kaman Kamerj Kire New Testament

copyright © 2001 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamerj in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

- You include the above copyright and source information.

- You do not sell this work for a profit.

- You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 27 Sep 2019 from source files dated 27 Sep 2019

bfb9792d-a7df-5425-8e30-1e4968f04468